

সাবেক এমপির সেই ভাতিজার বিরুদ্ধে মামলার নির্দেশ হাইকোর্টের

রাজধানীর গুলশানে বেপরোয়া গাড়ি চালিয়ে ৪ জনকে আহতের ঘটনায় সাবেক এমপি এইচ বি এম ইকবালের ভাতিজা ফারিজ রহমান ও গাড়ির মালিকের বিরুদ্ধে আগামী ২ সপ্তাহের মধ্যে মামলা করার নির্দেশ দিয়েছেন হাইকোর্ট।

১২ অক্টোবর গুলশানে কার রেসিংয়ের সময় দুর্ঘটনা ঘটে। পত্র-পত্রিকায় এ নিয়ে বিস্তারিত প্রতিবেদন প্রকাশিত হয়। কিন্তু ঘটনার ৮ দিন পরেও পুলিশ মামলা করেনি। মোটরযান আইন অনুসারে ২১ দিনের মধ্যে মামলা না করলে আর কোনো আইনি ব্যবস্থা নেওয়া যাবে না। তাই জনস্বার্থে সুপ্রিম কোর্টের ছয়জন আইনজীবী রিট করেন।